



Broj: 01-01-34-3271/20
Sarajevo, 17.07.2020.god.

Agencija za istragu i zaštitu
Federalna uprava policije
Tužilaštvo Kantona Sarajevo
Uredu za borbu protiv korupcije i kontrolu kvaliteta Kantona Sarajevo
Pravni Sektor Službe za zapošljavanje Kantona Sarajevo

Poštovani,

SVE STO JE NAVEDENO U SVIM ANONIMNIM PRIJAVAMA, U PRILOGU, JE
BEZOČNA LAŽ I NEISTINA.

Promjenom upravljačke strukture u Javnoj ustanovi "Služba za zapošljavanje Kantona Sarajevo" jedan broj nezadovoljnika je otvorio bolovanje i pretpostavljam sada sa bolovanja i uz pomoć bivšeg i razriješenog direktora pišu dopise apokaliptičnog sadržaja. Jedina istina u svemu ovome je da sam najavila formiranje komisije za kontrolu programa Službe i uporednu analizu sa isplatama po istim.

ZAŠTO?

Jedini razlog za formiranje ove komisije je nalaz Porezne uprave FBiH o dodatno utvrđenim poreznim obavezama po osnovu krađe novca u iznosu od cca 600.000 KM (slučaj Đurđević). Ova komisija će raditi po zahtjevu Porezne uprave FBiH, a koja je pismeno naložila da se izvrše daljnje provjere za period 2006.-2017. godina zbog sumnje na mogućnost još veće pronevjere novca u Službi.

PRETHODNI DIREKTOR ZA GOTOVO GODINU DANA MANDATA NIJE NIŠTA URADIO PO OVOM PITANJU I SAMIM TIM INTERESNE GRUPE POVEZANE PO OVOM PITANJU SU NERVOZNE JER NE ŽELE PROVJERU OVIH GODINA.

Služba niti šta uništava, niti šta mijenja, niti šta ispravlja već upravo suprotno se radi, postupit će po nalogu Porezne uprave FBiH. Sve se ovo može lahko provjeriti iz dokumenta koji se dostavlja u prilogu.

Istovremeno, g. Pećanac je objavljen u Poreznoj upravi jer član 10. Ugovora propisuje da u slučaju razrješenja imenovanom prestaje radni odnos (prilogu uz dopis). Primopredaja se mora uraditi pa da je g. Pećanac i na Marsu. Primopredajni zapisnik sa pratećom dokumentacijom uredno je isporučen na kućnu adresu g. Pećanca i Komisija za primopredaju je jučer u zakazano vrijeme uzaludno čekala g. Pećanca da se izvrši primopredaja.

Sto se tice "mijenjanja" nekakvih zapisnika i raznoraznih navoda koji nemaju veze sa realnošću mogu samo reći da se u Službi ništa nezakonito ne radi izuzev što je u predmetu "dupli pečati" Kantonalno tužilaštvo obavješteno da Služba ima dokument u kojem sekretarica direktora navodi da su pečati bili godinama u njenom stolu i da nikad nisu korišteni, te da se "tajni računi

Službe” za koje je prethodni direktor napravio medijsku hajku mogu vidjeti na stranici Skupštine KS jer su sastavni dio Izvještaja o radu Službe. Toliko su tajni!

Do koje granice neposlovnog ponašanja idu autori ovih dopisa je tvrdnja da ova VD direktorica prati nečije Facebook profile. Istina je da je vd direktorica informisana o objavama g. Pećanca kojima se javno blate svi oni koji ne razmišljaju kao g. Pećanac, uz to se i objavljuju i dijelovi službene dokumentacije koja je u vlasništvu Službe i o istom informisala Kolegij. Kolegiji Službe nisu za komentarisanje profila g. Pećanca već upravo suprotno. Meni su oni pokazatelj kojim pravcem (suprotnim) trebam ići, a ne spuštati se na nivo prizemnog. Valjda je imenovani i razriješen jer mu pravac nije bio dobar.

Sto se tiče svih ostalih navoda **STOJIM NA RASPOLAGANJU SVIM ORGANIMA DA SVE SVOJE AKTIVNOSTI OBRAZLOŽIM UZ DODATAK DA NITI JEDNA AKTIVNOST NIJE USMJERENA NA BILO KAKVO PROTIVZAKONITO DJELOVANJE**. Ono što je interesantno je to da sam podnijela već tri prijave Uredu za korupciju zbog otkrića zapošljavanja najbliže rodbine g. Pećanca zbog prijave za **NAMJERNO NEPLAĆENU PREKRŠAJNU PRIJAVU U VISINI OD 10.000 KM**, zbog prijave nepostojanja saglasnosti resornog ministarstva u vezi sa jednim raspisanim programom itd, itd (sve prijave su u Uredu za korupciju).

Na kraju, molim sve kojima upućujem ovaj dopis da me slobodno kontaktiraju jer je kod mene sve transparentno, a mobing je divno pokriće za one koji neće da rade, a pametuju i pišu sa bolovanja.

S poštovanjem,



Broj: 13-9-02-15-20-600/18
Sarajevo: 26.09.2018.godine

Na osnovu člana 125. stav 1 tačka 1 Zakona o organizaciji organa uprave u FBiH ("Službene novine Federacije Bosne i Hercegovine", broj: 35/05), člana 200. Zakona o upravnom postupku ("Službene novine Federacije Bosne i Hercegovine", broj: 2/98 i 48/99), Porezna uprava FBiH - Kantonalni ured Sarajevo - Odsjek za inspekcijski nadzor po službenoj dužnosti kod poreznog obveznika JU "SLUŽBA ZA ZAPOŠLJAVANJE KANTONA SARAJEVO" SARAJEVO, ulica Đoke Mazalića br.3, JIB:4200304610003, Općina Centar, d o n o s i:

RJEŠENJE O OTKLANJANJU NEPRAVILNOSTI

1) Nalaže se poreznom obvezniku JU "SLUŽBA ZA ZAPOŠLJAVANJE KANTONA SARAJEVO" SARAJEVO, ul.Đoke Mazalića br.3, JIB:4200304610003, otklanjanje utvrđenih nepravilnosti u toku inspekcijskog nadzora i to:

1) Usaglašavanje programa aktivnih politika zapošljavanja sa računovodstvenim stanjem, period 01.01.2006.-31.12.2017.godine, obezbjeđenje evidencije, odnosno pregled isplata, po programima za zapošljavanje koji su realizovani u periodu 01.01.2006.-31.12.2017.godine za svakog pojedinačnog korisnika usaglašenog sa finansijama, te prezentiranje pomoćne blagajne sa pratećom dokumentacijom.

2) Navedene nepravilnosti dužni ste otkloniti u roku od devedeset (90) dana.

3) Žalba ne odlaže izvršenje rješenja

O b r a z l o ž e n j e

Inspekcijskim nadzorom izvršenim u periodu 28.05.2018.-28.09.2018.godine kod poreznog obveznika JU "SLUŽBA ZA ZAPOŠLJAVANJE KANTONA SARAJEVO" SARAJEVO, ul.Đoke Mazalića br.3, JIB:4200304610003 utvrđeno je da kontrolisani porezni obveznik ne posjeduje evidencije, odnosno pregled isplata, po programima za zapošljavanje koji su realizovani u periodu 01.01.2006.-31.12.2017.godine za svakog pojedinačnog korisnika usaglašenog sa finansijama.

Porezni obveznik nije prezentirao pomoćnu blagajnu sa pratećom dokumentacijom.

Nalaže se poreznom obvezniku da otkloni utvrđene nepravilnosti definisanih tačkom 1.

Rok za otklanjanje nepravilnosti je devedeset (90) dana.

Dokaze o istom dostaviti ovom organu u zadatom roku.

S obzirom da su ispunjeni uslovi iz člana 125. stav 1. tačka 1. Zakona o organizaciji organa uprave ("Službene novine FBiH", broj: 35/05) i člana 200. Zakona o upravnom postupku ("Službene novine Federacije Bosne i Hercegovine", broj: 2/98, 48/99, 40/10, 44/11, 27/12, 7/13 i 71/14), odlučeno je kao u dispozitivu rješenja.

Protiv ovog rješenja može se uložiti žalba u roku od osam (8) dana od dana dostavljanja.


Žalba se predaje poreznoj upravi FBiH - Kantonalni ured Sarajevo- Odsjek za inspekcijski nadzor, a izjavljuje nadležnom drugostepenom organu Federalnom ministarstvu finansija/finansija.

Prilikom podnošenja žalbe dužni ste uplatiti upravnu pristojbu u federalnim taksenim markicama u vrijednosti od 15,00 KM u skladu sa Zakonom o Federalnim upravnim pristojbama i tarifnim brojem 3. Tarife federalnih upravnih pristojbi ("Službene novine Federacije Bosne i Hercegovine", broj: 6/98 i 8/00).

Žalba ne odlaže izvršenje rješenja.

Dostaviti:

1. Naslovu
2. Evidenciji
3. a/a



FEDERALNI POREZNI INSPEKTORI

12 VOD 12 UGOVORA O RADU

Član 10.

Radni odnos traje do isteka mandata na koji je izabran direktor, odnosno do njegovog razrješenja.

IZVOD 12 IZJAVE

IZJAVA

Pod materijalnom i kaznenom odgovornošću izjavljujem da sam po izradi novih pečata, stare čuvala pod ključem i odgovorno tvrdim da ih niko nije koristio. Novi pečati su izrađeni po dolasku novog direktora ~~XXXXXXXXXXXXXXXXXXXX~~, jer je isti insistirao da se napravi zahtjev za nove, pošto je zbog stalne upotrebe starih, došlo do navodnog oštećenja (slab otisak). U racunaru sam našla koplju svoje molbe na datum 20.10.2016.godine koju prilažem na uvid.

4. NOVAC, KRATKOROČNA POTRAŽIVANJA, RAZGRANIČENJA I ZALIHE

4.1. Novčana sredstva

Poslovanje Službe u 2018. godini obavljalo se preko transakcijskih računa otvorenih kod poslovnih banaka preko kojih su se istovremeno prikupljali budžetski i vlastiti prihodi i izmirivale obaveze Službe.

Blagajničko poslovanje uređeno je internim aktima Službe. Evidencija o isplatama iz blagajne vodi se putem knjige blagajne.

Stanje novčanih sredstava Službe na transakcijskim računima i u blagajni na dan 31.12.2018. godine iznosi 32.224.690 KM i iskazano je kako slijedi:

Naziv banke	Izvod	Stanje u KM
NLB Banka d.d.	160	0,00
NLB Banka d.d.	165	0,00
Intesa Sanpaolo Banka d.d.	13	303.079,68
Intesa Sanpaolo Banka d.d.	209	28.922.587,18
Intesa Sanpaolo Banka d.d.	37	1.054.773,70
Intesa Sanpaolo Banka d.d.	196	0,00
Intesa Sanpaolo Banka d.d.	250	398.607,38
Vakufska banka d.d.	14	679.593,61
Nova Banka d.d.	20	865.539,60
Ukupno transakcijski računi		32.224.181,15
Blagajna		508,54
Ukupno novčana sredstva		32.224.689,69

Navedena novčana sredstva odgovaraju iznosima iskazanim u dnevnim izvodima banaka na dan 31.12.2018. godine i blagajničkom izvještaju od 31.12.2018. godine.

4.2. Kratkoročna potraživanja

Kratkoročna potraživanja su iskazana u knjigovodstvu Službe u iznosu od 143.074 KM i odnose se na slijedeće:

Opis	Iznos
Potraživanja u zemlji od pravnih lica	6.325
Potraživanja u zemlji od fizičkih lica za isporučene usluge	10.925
Potraživanja za bolovanje preko 42 dana	1.082
Sumnjiva i sporna potraživanja	3.204
Sumnjiva i sporna potraživanja od fizičkih lica	121.488
Ostala potraživanja	50
Ukupno kratkoročna potraživanja	143.074